

Olinda Rasmijn di Stimaruba: Hopi mangel ta wordo destrui na Aruba

Comunidad mester cuminza siña a balor di e mangelnan



ORANJESTAD (AAN): Olinda Rasmijn di Fundacion Stimaruba a indica cu e mata di mangel ta masha importante. El a bisa cu ta hopi importante no solamente pa mira cu e ta berde pero pa e medio ambiente.

Pueblo mester sa cu e palo di mangel ta limpia asina bon cu hopi hende kier biba banda di awa, unda cu tin seronan halto y eynan ta haya e mangelnan, den bahianan, Rasmijn a splica.

Na Corsow tin hopi bahia, pero na Aruba no ta duna balor na e palonan ey. Ta kibra nan, ta kap nan, ta kima nan y ta un tristeza pa mira esey mientras cu nan no ta conciente di e balor cu e palo tin, a splica.

E palo aki den nan raiz, cu ta bay hopi profundo den e baranca, ta mira cu rond di dje tin coralnan chikito y fiornan ta crece rond. Tur ta pa haci e awa limpi, Olinda Rasmijn a indica.

E ta algo tremendo pa mira nan na Spaans Lagoen, pero ora cu ta haya nan na cantidad e palo ta muri manera cu ta mira na dump.

Esun cu ta hopi bunita aworaki ta Spaans Lagoen unda e ta floria y ta bay lagando un 'herida' door di e maltrato cu nan a haya. Tin di nan cu a muri pero otronan ta crece bek.

Tin un team di Stimaruba cu a bay eybao y a mira cuanto destruccion tin y cuanto sushi tin benta y ningun hende ta bay limpi'e como tampoco ta algo cu lamentablemente gobierno a yega di pone den un MOU.

Aworaki atrobe tin trabanon andando y lo ta bon pa check cu WEB cu si algo

cay si e hendenan ta bay busk'e eybao.

Olinda Rasmijn a laga sa cu e tin potretnan di e piscanan morto na cantidad y ora di puntra ningun hende sa nada pasobra no tin e stimacion pa wak kico a pasa cu e piscanan.

A agrega cu na Santo Largo unda cu Stima Aruba a planta un tempo cu e muchanan, cu e matanan a crece bira bunita. Pero aworaki cu DOW tabata responsabel pa traha e caminda cu ta pasa banda di Santo Largo, tur e matanan ey a muri.

Tambe ta mira cu e hendenan di Natuur en Milieu ta bisa cu nan a uza un drone pa mira for di lairicon e matanan a muri.

E representante di Stimaruba a expresa cu nunca ta haya oido. Ta manda carta pero no ta haya respuesta ariba e carta. Ora bay den

corant e ora tin movecion, a remarca.

El a sigui bisa cu ainda falta pa pone e parti di concientizacion den e curriculum na scol. Falta lesnan a educa e muchanan y e hobennan.

Tambe a bisa cu lo ta bon pa e biologonan duna lectura anochi na e piscadorman,

na tur hende pa siña duna balor na e naturaleza, na e mangelnan cual ta den un destruccion grandi.

Olinda Rasmijn a manifesta cu su deseo ta pa e departamentonan haya e mandato pa transmiti na comunidad e balor di e mangelnan, pasobra nan tin masha balor.